



Republika e Kosovës
Republika Kosova – Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD FOR THE CIVIL SERVICE OF KOSOVO

A.nr.393/2020

Këshilli i Pavarur Mbikëqyrës për Shërbimin Civil të Kosovës-Kolegji për shqyrtimin e ankesave në përbërje nga: Arben Mehmeti-kryetar, Arditë Haxhnikaj-Demi dhe Eshref Shabani -anëtarë, si dhe Sabile Avdyli Zyrtare e Lartë për bashkëpunim Profesional-procesmbajtëse, kanë shqyrtuar ankesën me numër protokollit 2950/2020 të datës 04.12.2020 të parashtruar nga ankuesi Prishtinë, kundër organit të punësimit- Inspektoriati i Punës, në çështjen juridike “kompensim material”, duke vepruar në pajtim me nenin 6 paragrafin 1 nënparagrafin 1.1 dhe nenin 18 paragrafin 1 nënparagrafin 1.1 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim të mbajtur me datën 15.01.2021, mori këtë:

V E N D I M

I.REFUZOHET si e pabazuar ankesa me numër A.nr.393/2020 e datës 04.12.2020 e parashtruar nga ankuesi.

A r s y e t i m

Ankuesi i caktuar në pozitën e Menaxher i Teknologjisë Informative në Inspektoriatin e Punës sipas akt emërimit të datës 06.03.2017 me numër protokollit 57/2017, me datën 14.08.2020 ka parashtruar kërkesën për rregullimin e shtesave në pagë tek Kryeinspektori i Punës, pasi që nuk ka marrë kurrfarë përgjigje nga Kryeinspektori i Punës, me datën 27.10.2020 përmes e-mailit ka kërkuar nga Drejtori i ASHI-së mirëpo Drejtori i ASHI-së i është përgjigjur se ne nuk jemi kompetent për rregullimin e shtesave.

Pasi ankuesi nuk ka marrë përgjigje nga Kryeinspektori i Punës më datë 04.12.2020 ka parashtruar ankesë me numër protokollit 2950/2020 në Këshillin e Pavarur Mbikëqyrës për Shërbimin Civil të Kosovës.

Këshilli i Pavarur Mbikëqyrës për Shërbimin Civil të Kosovës, më datë 14.12.2020, ankesën e ankuesit e ka proceduar për përgjigje në ankesë tek Inspektoriati i Punës. Inspektoriati i Punës me datë 11.01.2021 ka dërguar në Këshill përgjigjen në ankesë me bashkë me shkresat e lëndës faqe 1/22.

Kolegji për shqyrtimin dhe vendosjen e ankesave për marrjen e vendimit meritore ka administruar këto prova: Ankesën me numër protokollit 2950/2020 të datës 04.12.2020 e parashtruar nga ankuesi në Këshillin e Pavarur Mbikëqyrës për Shërbimin Civil të Kosovës; Kërkesë e datës 14.08.2020 me numër protokollit 693/2020; Akt emërimi i datës 06.03.2017 me numër protokollit 57/2017; E-mail zyrtar i datës

27.10.2020; E-mail zyrtar i datës 15.10.2020; E-mail zyrtar i datës 14.10.2020; Vendimi i Qeverisë së Kosovës Nr.01/39 i datës 08.10.2008; Vendimi i Qeverisë Nr.02/39 i datës 08.10.2008; Lista dhe titujt e punonjësve që do të jenë përfshirë të masave stimuluese duke përfshirë edhe shumën për këto pozita; Vendimi i Qeverisë Nr.03/39 i datës 08.10.2008; Vendimi i Qeverisë Nr.04/39 i datës 08.10.2008; Vendimi i Qeverisë Nr.05/39 i datës 08.10.2008; Vendimi i Qeverisë Nr.06/39 i datës 08.10.2008; Vendimi i Qeverisë Nr.07/39 i datës 08.10.2008; Vendimi i Qeverisë Nr.08/39 i datës 08.10.2008; Vendimi i Qeverisë Nr.09/39 i datës 08.10.2008; Vendimi Nr.10/39 i datës 08.10.2008; Vendimi i Qeverisë me Nr.11/39 i datës 08.10.2008; Politika e Pronësisë për ndërmarrjet publike në Kosovë; Vendimi i Qeverisë Nr.12/39 i datës 08.10.2008; Vendimi i Qeverisë Nr.13/39 i datës 08.10.2008; E-mail i datës 22.12.2020; E-mail i datës 17.12.2020; E-mail i datës 16.12.2020; Formulari për vlerësimin e rezultateve në punë për vitin 2017; E-mail zyrtar i datës 14.07.2017; E-mail zyrtar i datës 13.07.2020; E-mail zyrtar i datës 11.07.2020; E-mail zyrtar i datës 16.05.2017; E-mail zyrtar i datës 27.02.2018; E-mail zyrtar i datës 19.10.2017; E-mail zyrtar i datës 09.10.2017; E-mail zyrtar i datës 28.09.2017; E-mail zyrtar i datës 27.09.2017; E-mail zyrtar i datës 11.01.2021; Email zyrtar i datës 15.10.2020; Vendimi i Qeverisë me Nr.05/48 i datës 09.09.2015; E-mail zyrtar i datës 05.01.2021; Çertifikatë e datës 19.11.2017 e lëshuar nga Kolegji i Biznesit; Çertifikatë e datës 26.05.2020; Programi Cisco i datës 08.05.2009; Diplomë për krijimin e faqeve në internet; Çertifikatë e datës 29-30.04.2009; Çertifikatë e datës 07.05.2020; Çertifikatë e datës 05.05.2020; Çertifikatë e datës 20.01.2016 dhe Përgjigje në ankesë e datës 11.01.2021 nga organi i punësimit bashkë me shkresat e lëndës me numër protokollit 79/2021 faqe 1/22.

Kolegji për shqyrtimin e ankesave, për vendosjen e kësaj çështje, pasi ka shqyrtuar të gjitha shkresat e lëndës të parashtruara nga palët, ka konstatuar që ankesa e ankuesit *është e pabazuar, sepse:*

Kolegji ka shqyrtuar pretendimet ankimore të ankuesit, i cili pretendon që Këshilli duhet ta obligoj Inspektoriatin e Punës që t'i njihet e drejta për kompensim prej 500 Euro shtesë mbi pagën bazë, ky pretendim ankimor është i paqëndrueshëm sepse Kolegji për shqyrtimin dhe vendosjen e ankesave ka konstatuar se në bazë të provave të lëndës që i posedojmë nga ankuesi dhe nga organi i punësimit asnjëherë nuk është bërë asnjë kërkesë as te Kryeinspektori i Punës as në Komisionin për shqyrtimin e shtesave të fushës së Teknologjisë Informative dhe Inxhinieringut në Ministrinë e Administratës Publike.

Kolegji për shqyrtimin dhe vendosjen e ankesave, ka analizuar vendimet e Qeverisë së Kosovës Nr. 07/29 të datës 31.07.2008 dhe Nr.02/39 të datës 08.10.2008, dhe ka konstatuar se Qeveria ka miratuar pagesën shtesë në paga për kategori të veçanta të profesioneve deficitare respektivisht listën e pozitave dhe shtesave në paga për Teknologji Informative dhe Inxhiniering, duke autorizuar Ministrinë e Administratës Publike dhe Ministrinë e Financave si institucione përgjegjëse për zbatim të këtyre vendimeve.

Bazuar në provat shtesë të dërguara nga Ministria e Punëve të Brendshme me datën 12.01.2021, Kolegji ka konstatuar se Ministri i Administratës Publike bazuar në Rregulloren Nr. 33/2012 për Shtesat në Pagë dhe Kompensime të Tjera të Nëpunësve Civil, ka themeluar Komisionin për shqyrtimin e shtesave mbi pagën bazë për kushte të tregut të punës për nëpunësit civil, i cili Komision ka qenë funksional deri me datë 26.02.2018, përkatësisht deri me nxjerrjen e Vendimit Nr. 10/2018 të Ministrit të Administratës Publike, me të cilin është anuluar vendimin Nr.34/2016 i datës 15.09.2016 mbi themelimin e këtij Komisioni.

Kolegji për shqyrtimin e ankesave gjatë vlerësimit të ligjshmërisë së pretendimeve ankimor të ankuesit, ka analizuar dispozitat e Ligjit Nr.03/L-147 për Pagat e Nëpunësve Civil, përkatësisht nenin 14 ku përcaktohet se *“Shtesat mbi pagën bazë janë: 1.1. shtesa për punë me ndërrime dhe jashtë orarit të punës; 1.2. shtesa për kushte specifike pune; dhe 1.3. shtesa për kushtet e tregut”*, dhe nenin 17 ku parashihet se *1. Për pozitat ose llojet e pozitave për të cilat niveli i pagës për personelin e ngjashëm nga organizatat dhe punëdhënësit e tjerë jashtë Shërbimit Civil është shumë më i lartë sesa niveli i pagës që ofrohet nga Shërbimi Civil, e kjo shkakton vështirësi të konsiderueshme në rekrutimin dhe mbajtjen e personelit për ato pozita ose lloje të pozitave nga administrata publike, ministria përgjegjëse për administratë publike, në bashkëpunim me ministrinë përgjegjëse për financa, mund të kërkojë nga Qeveria që të miratojë një shtesë për kushtet e tregut, e cila mund të paguhet për këto pozita ose lloje të pozitave. 2. Kërkesa për miratimin e kësaj shtese nga Qeveria duhet të bazohet në një analizë, e cila tregon se për këto pozita ose lloje të pozitave: 2.1. çmimi i tregut për aftësitë në fjalë është shumë më i lartë se paga që ofrohet nga Shërbimi Civil; 2.2. përpjekjet për rekrutimin e personelit me pagë të Shërbimit Civil kanë dështuar dhe/ose shkalla e dorëheqjeve është e papranueshme; 2.3. pritet se shtesa do të ndikojë në rekrutimin dhe mbajtjen e personelit. 3. Kushtet dhe metoda për llogaritjen e shumës së shtesave mbi pagën bazë për kushtet e tregut përcaktohen me akt nënligjor, të nxjerrë nga Qeveria, pas propozimit të ministrisë përgjegjëse për administratën publike dhe ministrisë përgjegjëse për financa”*

Po ashtu Rregullorja Nr. 33/2012 për Shtesat në Pagë dhe Kompensime të Tjera të Nëpunësve Civil, përkatësisht nenin 8 përcakton se: *“Në pajtim me paragrafin 1 të këtij neni, për aprovimin e shtesës për kushte të veçanta të tregut, institucioni duhet t'i ofrojë ministrisë përgjegjëse për administratë publike kërkesën që përmban: 2.1 Arsyeshmërinë për pagimin e shtesës për kushte të veçanta të tregut për pozitën përkatëse, së bashku me një analizë, e cila dëshmon vështirësitë të cilat janë hasur nga institucioni gjatë rekrutimit dhe mbajtjes së personit të kualifikuar, duke përfshirë informata mbi nivelin e pagës që paguhet nga organizatat e tjera në tregun e Kosovës për pozita të ngjashme. 2.2 Listën e pozitave përkatëse, gradat dhe numrin e nëpunësve civil për çdo pozitë dhe 2.3 Koston vjetore të vlerësimit financiar të shtesave për kushtet e tregut të punës”*.

Meqenëse, Qeveria ende nuk ka një vendim lidhur me kompensimin e pagës shtesë për fushën e IT dhe se Komisioni për shqyrtimin e shtesave mbi pagën bazë për kushte të tregut të punës, nuk është funksional, kërkesa e ankuesit e parashtruar në ankesë pranë KPMSHCK-se, konsiderohet kërkesë në pritje për realizim deri në një Vendim të Qeverisë lidhur me këtë çështje, Andaj mbi këtë bazë Kolegji konstaton se pretendimet ankimore të ankuesit janë të pa bazuara.

Kolegji për shqyrtimin e ankesave , pas analizimit dhe vlerësimit të të gjitha shkresave të lëndës dhe provave të ofruara nga palët, si dhe duke u bazuar në kompetencën e Këshillit, vendosi si në dispozitiv të këtij Vendimi.

Këshillë juridike: Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në gjykatën kompetente, brenda afatit prej tridhjetë (30) ditësh nga dita në të cilën i është dorëzuar vendimi. Inicimi i konfliktit administrativ nuk e ndalon ekzekutimin e këtij vendimi.

Këshilli i Pavarur Mbikëqyrës për Shërbimin Civil të Kosovës
Lënda me numër A.nr.393/2020; Datë 15/01/2020

Sabile AVDYLI

Sabile Avdyli
Procesmbajtëse

Arben MEHMETI

Kryetar i Kolegjit



Vendimi i dërgohet

- *Ankuesit*
- *Kryeinspektorit në Inspektoriatin e Punës;*
- *Udhëheqësit të Personelit në Inspektoriatin e Punës dhe*
- *Arkivit të KPMSHCK-së*

